

Arkiv: <arkivID><jplID> FA-
NO
JournalpostID:
Saksbehandlar:
Dato: 05.10.2020

Saksframlegg

Saksnr.	Utvalg	Møtedato
067/20	Utval for næringutvikling og drift	14.10.2020
117/20	Alver kommunestyre	29.10.2020

Temaplan vatn og avløp

Rådmannen sitt framlegg til vedtak:

Kommunestyret godkjenner temaplan for vatn og avløp for perioden 2021-2022. Temaplanen samanstiller og vidarefører tilsvarande planar godkjent kvar for seg av dei tidlegare kommunestyra, og erstatter desse.

Årlege handlingsplanar med prioritering av tiltak skal følgje rammene i vedtatt årsbudsjett.

Utval for næringutvikling og drift 14.10.2020:

Behandling:

Leiar forvaltning avløp, Arne Helgesen, orienterte om temaplan vatn og avløp og svara på spørsmål.

Utvalsleiar Stian Lavik (KRF) sette fram følgjande alternativt framlegg til innstilling i saka:

Kommunestyret godkjenner temaplan for vatn og avløp for perioden 2021-2022, med unntak av kapittel 4.3.1 "Nytt avlaupsrensaneanlegg på Kvassneset" og andre avsnitt og kommentarar i planframlegget som omhandlar dette. Pågåande planar for dette avlaupsrensaneanlegget må stansast. Kommunestyret ønskjer ein god og grundig prosess når ein skal byggje eit slikt anlegg og ønskjer at fleire lokasjonar for reinsaneanlegg må vurderast og kartleggjast, og det må utarbeidast ei eiga konsekvensutgreiing, mellom anna med tanke på støy og luktproblematikk. Det økonomiske grunnlaget må også grundig vurderast då dette er eit anlegg som vert finansiert etter sjølvkostprinsippet, og det er abonnentane som vert belasta med gebyr. Kommunestyret meiner at eit så stort prosjekt må få sin eigen detaljplan og handsamast som eiga sak.

Temaplanen samanstiller og vidarefører tilsvarande planar godkjent kvar for seg av dei tidlegare kommunestyra, og erstatter desse.

Årlege handlingsplanar med prioritering av tiltak skal følgje rammene i vedtatt årsbudsjett.

Lavik sitt alternative framlegg vart sett opp mot rådmannen sitt framlegg til vedtak.

Lavik sitt framlegg fekk sju røyster og vart samrøystes vedteke.

ND- 067/20 Vedtak:

Utval for næringsutvikling og drift kjem med følgjande innstilling i sak 067/20 - Temaplan vatn og avløp:

Kommunestyret godkjenner temaplan for vatn og avløp for perioden 2021-2022, med unntak av kapittel 4.3.1 "Nytt avlaupsrensaneanlegg på Kvassneset" og andre avsnitt og

kommentarar i planframlegget som omhandlar dette. Pågåande planar for dette avlaupsrenseanlegget må stansast. Kommunestyret ønskjer ein god og grundig prosess når ein skal byggje eit slikt anlegg og ønskjer at fleire lokasjonar for reinseanlegg må vurderast og kartleggjast, og det må utarbeidast ei eiga konsekvensutgreiing, mellom anna med tanke på støy og luktproblematikk. Det økonomiske grunnlaget må også grundig vurderast då dette er eit anlegg som vert finansiert etter sjølvkostprinsippet, og det er abonnentane som vert belasta med gebyr. Kommunestyret meiner at eit så stort prosjekt må få sin eigen detaljplan og handsamast som eiga sak.

Temaplanen samanstiller og vidarefører tilsvarande planar godkjent kvar for seg av dei tidlegare kommunestyra, og erstatter desse.
Årlege handlingsplanar med prioritering av tiltak skal følgje rammene i vedtatt årsbudsjett.

Alver kommunestyre 29.10.2020:

Behandling:

Kommunestyret vedtok samrøystes innstillinga frå Utval for næringsutvikling og drift.

KO- 117/20 Vedtak:

Kommunestyret godkjenner temaplan for vatn og avlaup for perioden 2021 - 2022, med unntak av kapittel 4.3.1 "Nytt avlaupsrenseanlegg på Kvassneset" og andre avsnitt og kommentarar i planframlegget som omhandlar dette. Pågåande planar for dette avlaupsrenseanlegget må stansast.

Kommunestyret ønskjer ein god og grundig prosess når ein skal byggje eit slikt anlegg og ønskjer at reinseanlegg må vurderast og kartleggjast, og det må utarbeidast ei eiga konsekvensutgreiing, mellom anna med tanke på støy og luktproblematikk. Det økonomiske grunnlaget må også grundig vurderast då dette er eit anlegg som vert finansiert etter sjølvkostprinsippet, og det er abonnentane som vert belasta med gebyr.

Kommunestyret meiner at eit så stort prosjekt må få sin eigen detaljplan og handsamast som eiga sak. Temaplanen samanstiller og vidarefører tilsvarande planar godkjent kvar for seg av dei tidlegare kommunestyra, og erstatter desse.

Årlege handlingsplanar med prioritering av tiltak skal følgje rammene i vedtatt årsbudsjett.

Politisk handsaming

Saka skal avgjerast i utval for næringsutvikling og drift

Saka skal avgjerast i kommunestyret

Bakgrunn

Planstrategien for Alver kommune vart godkjent av kommunestyret i møte 14.05.2020. Den byggjer m.a. på at plansystemet skal vere eit godt grunnlag for politisk styring og administrativ oppfølging, med god forankring frå overordna planar til gjennomføring av tiltak (handlingsplanar).

Det er ei rekkje planar og strategiar som skal gjennomførast i perioden 2020-2023. Arbeidet med kommuneplanen sin samfunnsdel er naturleg nok høgt prioritert, sidan denne legg grunnlaget for all anna planlegging i kommunen.

For teknisk sektor sin del, betyr det at nye hovudplanar innan veg, vatn, avløp, trafikkisikring, eigedomsforvaltning og landbruk i hovudsak får oppstart tidlegast i andre halvår 2021.

I mellomtida er det dei tidlegare godkjente temaplanane/tiltaksplanane/hovudplanane i samanslåingskommunane som blir lagt til grunn for arbeidet innan sektoren. For å få oversikt over oppgåveområda og vidare kartlegge status og tilstandar, vurdere behov for tiltak, finne dei kritiske prioriteringane m.v., er det lagt ein strategi for å samanstille dei tidlegare godkjente planane i felles temaplanar.

Formannskapet fekk presentert denne strategien i møte 27.05.2020. Presentasjonen er samla i eit strategi- og styringsdokument for TFD for perioden 2020 – 2022. Målformuleringane i

temaplanen følgjer av dette dokumentet.

Temaplanen for 2021 – 2022 har ikkje vore sendt ut på høyring, sidan den samanstillar og vidarefører allereie godkjente planar, behandla av dei tre tidlegare kommunestyra. Desse vedtaka er ikkje oppheva ved kommunesamanslåinga. Når arbeidet med ny hovudplan starter, andre halvår 2021, blir vanleg planprosess med høyringar mm følgd.

Saksopplysninger:

Alver kommune skal til ei kvar tid levere nok vatn av drikkevasskvalitet til innbyggjarar og næringsdrivande. I tillegg skal Alver kommune ha god nok sløkkevasskapasitet og levere tilstrekkeleg industrivatn i samsvar med gjeldande avtalar.

Alver kommune skal ta hand om avlaupsvatn slik at det ikkje oppstår miljøskade. Vassdraga og sjøområda skal ha ein vasskvalitet som gjev livsgrunnlag for biologisk mangfald, rekreasjon, bruk og produksjon.

Per september 2020 er tala på abonnentar fordelt slik: Totalt 84% er tilknytta kommunalt vatn og 58% er tilknytta kommunalt avlaupsnett. Antal utan kommunalt vassnett er estimert til ca 4800 personar.

Vatn:

Tidlegare Lindås og Meland kommune har utført store utbyggingar i vassforsyningssystemet dei siste åra for å sikra kapasitet, reservevassforsyning og god vasskvalitet.

Vassforsyninga i tidlegare Meland er sårbar. Råvatnet i kjeldene har gradvis vorte dårlegare, og det er nødvendig med auka vassbehandling for å sikre god drikkevasskvalitet. Utbygging av nytt vassbehandlingsanlegg for Meland vassverk vert ferdigstilt medio 2021.

Tidlegare Radøy kommune har ei god vasskjelde (Ulvatnet) med god kapasitet og vasskvalitet, men leidningsnettet er sårbart og det er liten reservekapasitet i systemet.

Grunna klimaendringar med meir nedbør vert råvasskvaliteten dårlegare for kjeldene som i dag har god og middels god kvalitet. Konsekvensen er at ein med tida må rekna med å etablere fullreinsing ved dei ulike vassverka som i dag ikkje har fullreinseanlegg. Dette gjeld Storavatnet i tidlegare Lindås og Kolåseidet på Radøy.

Drikkevasskvaliteten vert kontrollert rutinemessig. Tilgjengelege resultat frå dei seinare åra viser at vasskvaliteten er generelt god. Distribusjonssystemet er forholdsvis nytt, og tilstand er relativt god. Lekkasjenivået ligg på ca 30% for Alver kommune. Det vert arbeida systematisk med å redusere lekkasjar.

Avlaup:

Ein av utfordringane med avlaupssystemet er at det kjem mykje framanvatn inn i avlaupsnettet. Mange av anlegga som vart bygd fram til midten av 80-talet vart bygd for å kunne ha både spillvatn og overvatn i leidningsnettet, det var då ikkje så stort fokus på avlaupsreinsing. Dette fører til at eldre leidningsanlegg må rehabiliterast, enten ved utskifting eller NoDig-metode.

Eit hovudfokus innan avlaupshandtering i komande år vil vera å oppfylle nye reinsekrav til området Knarvik-Hilland Vest. Fortetting av busetnaden har ført til at dette området no utgjer ein geografisk tettstad med meir enn 10 000 pe, og dette utløyser strengare reinsekrav.

Industriområda på Mongstad vert utvida med store areal på Storemyra. Her skal det leggjast til rette med avlaupsleidningar og byggjast avlaupsreinseanlegg for Mongstad Sør.

Avlaupet på Manger skal sanerast. Prosjektet med nytt reinseanlegg på Manger inkluderar leidningar på land og i sjø, avlauspumpestasjonar og avlaupsreinseanlegg.

Etter at temaplanen er sluttbehandla, vil det vere økonomiplan og årsbudsjett som legg rammer for kva tiltak det er mogeleg å gjennomføre. Prioriteringane vil gå fram av

etterfølgjande årleg handlingsplan.

Vedlegg i saken:

05.10.2020 Temaplan vatn og avlaup 2021-2022_05.10.20

1454886